

禮
事
心
經
科
儀

禮斗科儀

圓明道姥天尊 勅水神咒

太乙之精

洞立之靈

能生萬物

能滌羣氛

吾今灑蕩

天地澄清

金光朗照天尊

上帝有勅

發點斗燈

七元下降

照護羣生

左輔右弼

大顯威靈

天蓬元帥

統領天兵

五雷使者

六甲六丁

玄武大聖

台中三星

暫離金闕

下赴凡塵

消灾捍厄

保命延生

願降威力

殄滅邪精

三魂護體

七魄安寧

違勅者戮

稟勅者生

斗燈一點

身有光明

斗燈再點

永保長生

恭爇真香

虔誠上啟

虛無自然三寶上帝北斗聖父周御國王
天尊北斗聖姥紫光聖德天后玉斗二天
尊帝星君中天大聖北斗九宸皇上道君
九皇夫人嬪妃仙眷三台華蓋星君天罡
節度星君斗中樞機二相真君斗中延生

保命度厄益算消灾散禍扶衰七元神君
玉妙二梵天王引藥林使者斗中三尊二
使解厄諸大靈官立都十二大曜星君南
斗六司星君東西中正三斗星君森羅萬
象星斗周天躔度羣真當生本命元辰星

君本命神將本限星官命運限宮照臨真
宰三官五帝九府四司傳經啟教列位師
真斗府支曹合屬官將四直使者傳奏功
曹城隍里社司土六神恭望洪慈鑒今朝
禮臣聞元始天王演法於赤明之劫紫光

聖母應化於龍漢之年德配坤元仁施母
道願降生於聖嗣誓輔佐於玄綱盥沐於
九曲池中鍊神於二儀鼎內升紫金之解
座登白玉之龜臺悉入玄玄蓮開九苞之
瑞神儀燁燁光騰億兆之祥一號天皇大

帝二曰北極至尊次列七元之象餘排輔
弼之星九皇同炁以胚胎七晝共時而化
現洪惟上道獨運中天作眾星之主宰捍
灾禦患掌三界之權衡斡旋造化無物不
資於覆育有生皆賴於陶鎔凡有皈投必

先敷奏人意情悃已露聰聽必聞是當朝
禮之時須藉主雜之造伏望暫離斗府俯
降星璇溥注威光而鑒照許容禮誦以宣
行靈章諷誦三灾八難以冰消聖號稱揚
百福千祥而雲集假心香心燈心水之供

盡皈神皈身皈命之誠目覩雲霄心期通
感臣無任瞻星禮斗望闕祈恩之至恭望
大道俯賜證盟

斗姥元君從天門而下座白玉龜臺神輝寶輦金光燦爛
萬里千真拂旋而至

伏以天高聽卑仰靈光於咫尺人微意迫

祈妙應於斯須矧璇璣七政之權總禍福
羣生之篠慈悲救物聖德難量塵凡之下
無以抒忱謹備香燈用伸上獻

稽首太上尊

皈命禮北辰

仰啟二尊帝

朝覲七元君

經乃濟世寶
消灾解危厄

道爲天地根
保命守玄真

南陵三千使
俱來臨法座

北斗七千神
同入清靜門

道炁自然存

臣今志誠誦

志心皈命禮

尊居萬象道貫三才龍御北辰位正支都
之上鳳台西域連合紫微之中天人孕秀
玉華池感金蓮之九苞聖姥結胎生竺國
現玉相於中天紀綱造化而統制乾坤掌

握陰陽而運行日月聖父乃九皇之父國
皇乃萬象之皇率土蒼生咸蒙化育大悲
大願大聖大慈斗父龍漢祖劫周御國王
天尊

志心皈命禮

西天竺國大智光中真空妙相法王師無
上立元天姥主金光燦處日月潛輝寶柱
旋時鬼神失色顯靈蹤於塵世衛聖駕於
閻浮眾生有難若稱名大士尋聲來救苦
大悲大願大聖大慈聖慧先天斗姥紫光

金尊聖德巨光天后救苦護生摩利支天
大聖圓明道妣天尊
志心皈命禮

天上修羅交戰日人間劫火洞燃時四頭
應化顯神通八臂垂雄施道力常遊日月

二宮前獨救刀兵三界內威光赫奕妙相
圓融接引眾生超離諸苦太虛有盡本頤
無窮大悲大願大聖大慈九天雷祖大帝
日官太陽帝君月府太陰皇君聖慧先天
斗姥紫光金尊聖德巨光天后救苦護生

摩利支天大法王無上立元大行梵炁天
父天母天皇大帝

志心皈命禮

無上法王摩訶天姥大梵先天之聖九天
雷祖之尊道運乾元德隆坤后主治中天

寶閣勤奉元始至尊慧香氤氳智燈朗耀
發誓願早生聖子放無極微妙光明經人
間七晝夜時現天上九皇道體功參造化
妙運陰陽惠及羣生恩覃三界大慈大悲
超生死不相干之地至靈至聖了鬼神覩

不破之機聖慧先天斗姥紫光金尊聖德
巨光天后救苦護生摩利支天大聖圓明
道姥天尊

志心皈命禮

紫微宸極勾陳天宮九光寶苑之中五氣

玄都之上體元皇而佐司玄化總兩極而

共理三才主持兵革之權衡質推大德統

御星辰之經次母失常經上象巍峩真元

恢漠大悲大願大聖大慈勾陳上宮天皇

大帝

志心皈命禮

五六

大羅天闕紫微星宮尊居北極之高位正
中天之上佛號金輪熾聖道稱玉斗玄尊
璇璣玉衡齊七政總天經地緯日月星宿
約回時行黃道紫垣萬象宗師諸天統御

大悲大願大聖大慈萬星教主無極元皇
中天紫微北極大帝

志心皈命禮

紫微垣內南極宮中每歲一臨於凡世適
劬勞生我之辰流年六度降人間正高上

賦形之日作人神之主宰爲造化之樞機
判人間善惡之期司陰陽是非之目五行
共掌七政同科凡有祈禱無不應驗大悲
大願大聖大慈北斗天輪官當生本命元
辰大道星君

太上玄靈斗姥元君本命延生心經
老君曰斗姥上靈光圓大天寶月中有齋
樹色瑩琉璃玉兔長生搗鍊大藥凡天地
氣運休否日月星辰錯行雨暘晦明不時
風寒暑溫不節亢旱水火疫癘凶灾至於

刀兵蟲蝗妖精鬼怪疾病傷生訐訟橫撓
種種不祥悉皆乖氣所致

斗姥降以大藥普垂醫治之功燮理五行
升降二炁解滯去窒破暗除邪愆期者應
期失度者得度安全胎育治療病疴潤益

根荄陽回氣侯生成人物鍊度鬼神散禳
百結資補八陽輔正全真召和延祚讚施
藥力職重天醫生諸天眾月之明爲北斗
眾星之母斗爲之魄水爲之精主生人身
光凝性水眾水一月眾月一光有情無情

均稟靈光道氣一一資其生養護衛恩深
德重皆莫能知是以人身而有七竅內應
乎心魄有七真受魄於斗斗姥尊號曰九
靈太妙白玉龜臺夜光金精斗姥元君又
曰中天梵炁斗姥元君紫光明哲慈慧大

素元君金精聖德天尊又化號大圓滿月
光王又曰東華慈救皇君天醫大聖應號
不一主治中天寶闕祖劫在玄明真淨天
修行玄靈妙道勤奉

元始至尊慧香氤氳智燈朗耀每發志願

願生聖子輔裨造化統制乾坤願力堅固
終始如一因沐浴於九曲華池之中湧出
白玉龜臺神駕寶座斗姥登於寶座之上
怡養神真修鍊精魄冲然攝炁氣入玄冥
運合靈風紫虛蔚勃果證玄靈妙道放無

極微妙光明洞徹華池化生金蓮九苞經
人間七晝夜時其華池中光明愈熾愈盛
其光一時上騰九華天中化成九所大寶
樓閣寶樓閣之中混凝九真梵氣自然成

章文曰

魁
魁
魁
魁
魁
魁
魁
魁
主
痘
然
念
兼
用
天
日
書

前有天罡光敷秘字文曰魁麤芒角炳然
是九章生神應現九皇道體一曰天皇二
曰紫微三曰貪狼四曰巨門五曰祿存六
曰文曲七曰廉貞八曰武曲九曰破軍十

皇紫微尊帝二星居斗口娑羅上宮真光
大如車輪得見之者身得長生位證真仙
永不輪轉二星分作餘暉爲左輔右弼爲
擎羊陀羅神化無方總領支黃正炁七元
星君幹運陰陽造化功沾三界德潤羣生

其功德力不可思議夫修煉九還七返大丹者持此頓悟玄關靈光現前三十九節自然生紫了證太玄三一之道知守本來具足之理堅固真身更能精修大定乃至形神俱妙與道合真飛昇玉京逍遙自在

如此則劫劫生生世祖宗親皆得解脫同
受玄恩濟度存亡此爲深妙皈心持奉靜
處玄璣內景無漏於六根外景不淪於萬
有湛然清淨道在目前頂禮

真形恭敬咒曰

玄靈節榮

永保長生

太玄三一

守護身形

五臟神君

各保安寧

魁鬼魁鬼魁鬼

默念

太上玄靈斗姥元君本命延生心經

叛命先天雷祖帝

紫光金尊摩利支

西乾自在運神通

大施慈悲救苦難

日月高明能映奪

眾生急迫賴扶持

臣今依教誦靈章

天耳遙聞隨感應

唵

二字二十一遍存想唵字人心宮化作金光一圓以天目運存

唵

一輪紅日在千頭上又天目運書金光篆

靈

從天目昇出與紅日相合化一團金光仰大梵天宮內有
靈

斗姥金容四頃八臂七指御釐傍有三王三帥牛府諸神盤秩

護衛分明在上默存朝暉前雙手結陰陽牛印默念
斗姥先音神咒

唵嘛喇啞咤娑呵

七合七拜

又默念

唵哪嚩嚩嚩吽嚩唆娑呵

七合七拜

眾念

志心皈命禮

高高圓蓋渺渺大羅紫微位北極之上勾

陳居內座之中日帝月皇定晨昏而有准
南辰北斗司生殺以無私五星列照四曜
分明二帝隱於天階三垣朝於帝座周分
二十八宿總成三十二天三台並隨於斗
極天罡專主於雷門十二宮辰天輪運轉

六十甲子星紀回旋命主旣分於所屬胎
生不離於元辰明星暗曜正照旁臨玉宇
連珠而有象紫霄合璧以無停端拱紫微
循行黃道森羅萬象列宿羣星金井玉衡
之主宰銀河碧漢之眞司本命元辰運限

祿馬周天驅度列曜星君

北斗兜

北斗九宸中天大神上朝金闕下覆崑崙
調理綱紀統制乾坤大魁貪狼巨門祿存
文曲廉貞武曲破軍高上玉皇紫微帝君

大周天界細人微塵何灾不滅何福不臻
元皇正炁來合我身天罡所指晝夜長輪
俗居小人好道求靈願見尊儀永保長生
三台虛精六淳曲生生我養我護我身形

注想金容朝禮聖號

志心朝禮

一炁梵天聖德巨光天后圓明斗姥元君
三光聖母聖德巨光天后圓明斗姥元君
駕遊日月二宮前聖德巨光天后圓明斗姥元君
勅賜雷震天法主聖德巨光天后圓明斗姥元君

威光赫奕聖德巨光天后圓明斗姥元君
妙相圓融聖德巨光天后圓明斗姥元君
接引眾生聖德巨光天后圓明斗姥元君
超離諸苦聖德巨光天后圓明斗姥元君
大悲大願聖德巨光天后圓明斗姥元君

大聖大慈聖德巨光天后圓明斗姥元君
中天大聖北斗九皇勾陳上宮天皇大帝
中天大聖北斗九皇萬星帝主紫微大帝
志心朝禮

中天北斗解厄延生陽明貪狼本命星君

中天北斗解厄延生陰精巨門本命星君
中天北斗解厄延生真人祿存本命星君
中天北斗解厄延生立真文曲本命星君
中天北斗解厄延生丹元廉貞本命星君
中天北斗解厄延生北極武曲本命星君

中天北斗解厄延生天闢破軍本命星君
中天北斗解厄延生洞明左輔上道星君
中天北斗解厄延生隱光右弼上道星君
中天北斗解厄延生虛精闢德上台星君
中天北斗解厄延生六淳司空中台星君

中天北斗解厄延生曲生司祿下台星君
日官太陽炎光帝君
月府太陰結璘皇君
東方木德歲星星君
南方火德螢熾星君

西方金德太白星君
北方水德伺宸星君
中央土德鎮星星君
天罡神首羅暎星君
天罡神尾計都星君

太乙華陽紫炁星君

太乙華陰月孛星君

四方二十八宿星君

天罡大聖河漢羣真三界十方一切諸星

天曹主照當生本命元辰星君

志心皈命禮

紫光毓秀皇極分元爲造化之樞機作人
神之主宰宣威三界統御萬靈至道至尊
大明大德中天北斗九皇九真延生解厄
上道帝君大聖興福助善天尊

瞻星禮斗祈福求延香花燈果獻中天懇
願鑒微虔本命星官解厄並消愆重

向來朝禮功德上奉

高真同賴善功證無上道一切信禮志心
稱念圓明道妣天尊不可思議功德

送聖

伏以酌水獻花格星真而降鑑投誠皈命
荷斗極以光臨向來朝拜禮畢誦詠已周
今首香發蘭篆烟散碧霄月淡河澄望電
旌之欲返參橫斗轉瞻雲旆以將還臣攀

萬無路拜首惟勤空仰企於中天恨莫隨
於後乘天雖高而聽甚不端祈曲徇於所
求禮不足而敬有餘尙冀弗加於其責至
三至再以謝以祈翹首天階奉辭仙駕
伏願一念感通圓明洞鑒九皇昭格廣施

溥博之恩列體高臨密賜慈悲之澤上祝
聖壽天齊皇圖地久四夷效順以來王萬
姓安居而樂業陰陽順序三光全而寒暑
平風雨應時五穀熟而人民育福資萬有
恩被十方次俾某等千愆萬過咸乞蕩除

三業六根悉祈原宥永禳未兆之灾茂錫
將來之福凡有希求一如所願已往之祖
宗父母咸皈道以超昇見在之親疎眷屬
共受釐而清泰動植遂生成之德水潛陶
化育之恩五道開明九幽昭泰蒙如丹青

